

**BULETINI MUJOR I
SËMUNDSHMËRISË
INFEKTIVE****(Pasqyra 14/Sh)****DEPARTAMENTI I EPIDEMIOLOGJISË DHE KONTROLLIT TË
SËMUNDJEVE INFEKTIVE****SHKURT 2021**

Buletini Mujor i Sëmundshmërisë Infektive publikohet çdo muaj nga Sektori i Survejancës dhe Shërbimi i Inteligjencës Epidemike, Instituti i Shëndetit Publik (ISHP). Ky Buletin Mujor bazohet në të dhënat e Sistemit Madhor të Bazuar në Sëmundje (SMBS) të raportuara përmes Pasqyrës Mujore 14 Sh. Ai plotësohet në Pasqyrë në formatin EXCEL dhe dërgohet me postë elektronike dhe me postë zyrtare, brenda datës 10 të çdo muaji, në Departamentin e Epidemiologjisë dhe Kontrollit të Sëmundjeve Infektive (DEKSI), Instituti i Shëndetit Publik. Të dhënat e agreguara të Pasqyrës 14 Sh për muajin shkurt 2021 janë të dhënat e raportuara nga Njësitë Vendore të Kujdesit Shëndetësor (NJVKSH) në te gjithë bashkitë e vendit.

1. Sëmundjet diarreike

Sëmundjet diarreike gjatë muajit shkurt 2021 zënë 19.5 % të totalit të sëmundjeve infektive të raportuara me anë të Pasqyrës 14 Sh, dhe paraqesin një incidencë 77.66 /100.000 banorë. Gastroenteritet e paspecifikuara janë të shpërndara në të gjitha bashkitë e vendit dhe zënë peshën kryesore në grupin e sëmundjeve diarreike. Ndërkohë që, në nivel kombëtar helmimet ushqimore paraqesin një incidencë (2.48/100.000 banorë). Rrethet Berat, Bulqizë dhe Kukës mbajnë peshën kryesore në raportimin e helmimeve ushqimore. Duhet theksuar që, numri i lartë i rasteve të raportuara me helmime ushqimore dhe gastroenterite është i lidhur me pamundësinë në nivelin e disa rretheve të diagnozës së saktë klinike dhe konfirmimit të saj me diagnozën laboratorike mikrobiologjike.

NJVKSH Shkodër ka raportuar 3 raste me Salmonelozë jotifioide për muajin shkurt 2021, dhe paraqet një incidencë 2.21/100.000 banorë. Po ashtu dhe NJVKSH Korçë ka raportuar 2 raste me Salmonelozë jotifioide (Incidenca 2.63 /100 000 banorë). Të gjitha rastet janë konfirmuar në laboratorin e rrethit përkatës.

Bashkia Shkodër mban peshën kryesore të incidencës së Shigelozës për muajin shkurt 2021 në nivel kombëtar, përkatësisht me incidencë 6.63 /100.000 banorë (9 raste të konfirmuara), dhe bashkia Lezhë ka raportuar vetëm 1 rast të dyshuar me Shigelozë.

Tabela 1: Frekuencat dhe incidentat e sëmundjeve diarreike për muajin shkurt 2021
(Incidenca raste/100.000 banorë)

	Raste Shkurt 2021	Incidenca shkurt 2021 (raste/100.000 banorë)
Tifo abdominale + Paratifo	0	0
Salmoneloza	5	0.17
Shigelozë (Disenteri bacilare)	10	0.35
Dizenteri amebike	0	0
Toksiko-infeksione alimentare	71	2.48
Gastroenterite (etiologji e panjohur)	2137	74.66
Sëmundje diarreike në total	2223	77.66

2. Sëmundjet e EPI

2.1 Fruthi

Gjatë muajit shkurt 2021 nuk kemi raste të raportuara të dyshuara për fruth. Nëse e krahasojmë me një vit më parë, gjatë muajit shkurt 2020 janë testuar në total 3 raste me fruth, nga të cilat është konfirmuar 1 rast nga ana laboratorike. Ky rast i përket qytetit të Tiranës, në moshë pediatrike, i pavaksinuar dhe i shtruar në spital. Hetimi është kryer dhe janë vaksinuar të gjitha kontaktet e ngushta.

2.2 Tuberkulozi pulmonar

Gjatë muajit shkurt 2021 janë raportuar 6 raste me Tuberkuloz pulmonar. Nga ekzaminimet laboratorike 6 raste janë konfirmuar sputum pozitiv. Konfirmimi i tyre është kryer në Laboratorin e Referencës të rekomanduara nga dispanseria e rrethit përkatës. Për të gjitha rastet janë lajmëruar dispanseritë përkatëse për të komunikuar me familjarët e tyre, për të kryer kontrollin në vatër bazuar në të gjitha ekzaminimet për depistimin e tyre. Të gjithë pacientët kanë filluar mjekimin sipas skemës përkatëse. Rastet janë të shpërndara në të gjithë vendin në: Durrës, Elbasan, Lezhë, Lushnjë, dhe Fier. Duke e krahasuar me një vit më parë në muajin shkurt 2020 janë raportuar 9

raste me Tuberkuloz pulmonar dhe rastet kanë qenë të shpërndara në të gjithë vendin në: Durrës, Elbasan, Lezhë, Lushnjë, Mat dhe Pogradec.

Gjatë muajit shkurt 2021 janë raportuar 5 raste me Tuberkuloz ekstrapulmonar. Nga ekzaminimet laboratorike 5 raste janë konfirmuar sputum pozitiv. Konfirmimi i tyre është kryer në Laboratorin e Referencës të rekomanduara nga dispanseria e rrethit përkatës. Për të gjitha rastet janë lajmëruar dispanseritë përkatëse për të komunikuar me familjarët e tyre, për të kryer kontrollin në vatër bazuar në të gjitha ekzaminimet për depistimin e tyre. Të gjithë pacientët kanë filluar mjekimin sipas skemës përkatëse. Rastet janë të shpërndara: 1 rast në Dibër (incidenca 1.62/100.000 banorë) dhe 4 raste në Tiranë (incidenca 0.72/100.000 banorë).

3. Hepatitet virale

Në raportimin mujor të sëmundshmërisë infektive gjatë muajit shkurt 2021 janë raportuar në total 19 raste me hepatite virale akute (Incidenca 0.66/100.000 banorë) nga të cilat, 14 janë hepatit viral B (incidenca 0.49 /100.000 banorë) dhe 5 raste hepatit viral as A as B (incidenca 0.17 /100.000 banore). Në lidhje me hepatitin viral B janë raportuar nga NJVKSH Fier (2 raste të konfirmuara) dhe Tiranë (12 raste të konfirmuara). Në lidhje me hepatitin viral as A as B janë raportuar nga NJVKSH Fier (1 rast i konfirmuar) dhe Tiranë (4 raste të konfirmuara).

Duke bërë një krahasim me raportimin mujor të sëmundshmërisë infektive gjatë muajit shkurt 2020 vëmë re, që janë raportuar në total 5 raste me hepatite virale akute (Incidenca 0.16/100.000 banorë) nga të cilat, 1 rast është hepatit viral A i konfirmuar, 2 janë hepatit viral B dhe 2 raste hepatit viral as A as B. Në lidhje me hepatitin viral janë raportuar nga NJVKSH Berat, Devoll, Kuçovë, Gjirokastër dhe Lushnjë.

4. HIV/AIDS

Në muajin shkurt 2021 janë kryer në total 36 ekzaminime për HIV në Njësinë e Laboratorëve në Institutin e Shëndetit Publik (ISHP), 23 meshkuj dhe 13 femra. Nga këto ekzaminime, 13 prej tyre kanë rezultuar pozitive (8 meshkuj dhe 5 femra). Rastet pozitive i përkasin moshave të ndryshme, përkatësisht nga 23 deri 63 vjeç. Rastet pozitive janë nga rrethet Tiranë, Korçë, Lushnjë, Bulqizë dhe Elbasan. Mostrat e gjakut që kanë rezultuar pozitive kanë ardhur në ISHP nga QSUT (Spitali Infektiv), vullnetar, Laborator Privat (Intermedica dhe ALNET) dhe shoqata të ndryshme.

INSTITUTI I
SHËNDETIT PUBLIK

DEKSI